



# SLUŽBENI GLASNIK GRADA ŽIVINICE

**GODINA LVI**

**06. JANUAR 2021. GODINE**

**BROJ 1**

Na osnovu člana 112. Statuta Grada Živinice („Službeni glasnik grada Živinice“, broj 5/19), a u vezi sa članom 35. Zakona o budžetima u Federaciji Bosne i Hercegovine („Službene novine Federacije BiH“, broj 102/13, 9/14, 13/14, 8/15, 91/15, 102/15, 104/16, 5/18 i 11/19) Gradsko vijeće Živinice, na sjednici održanoj dana 06.01.2021. godine d o n o s i

**O D L U K U**  
**O PRIVREMENOM FINANSIRANJU**  
**GRADA ŽIVINICE**  
**ZA PERIOD OD 01.01.2021.GODINE DO 31.03.2021.GODINE**

**Član 1.**

Ovom Odlukom uređuje se privremeno finansiranje Grada Živinice za period od 01.01.2021. godine do 31.03.2021. godine.

**Član 2.**

Privremeno finansiranje Grada Živinice za period iz člana 1. ove Odluke utvrđuje se u iznosu srazmjernom sredstvima utrošenim u istom periodu prethodne godine, a najviše do tromjesečnog prosjeka za prethodnu fiskalnu godinu.

Privremeno finansiranje Grada Živinice za period iz člana 1. Ove Odluke izvršavaće se u skladu sa prioritetima utvrđenim članom 26. Odluke o izvršavanju budžeta za 2020. godinu, broj: 06-04-4956/20 od 14.09.2020.godine.

Budžetski korisnici ne mogu započeti nove ili proširene programe i aktivnosti dok se ne donese Budžet za 2021.godinu.

**Član 3.**

Izvršavanje ove Odluke vršiće se u skladu sa Odluke o izvršavanju budžeta za 2020. godinu, broj: 06-04-4956/20 od 14.09.2020.godine, s tim da budžetski korisnici mogu stvarati obaveze i koristiti sredstva za pojedine namjene najviše do iznosa tromjesečnog prosjeka sredstava za tu namjenu utvrđenih u Budžetu za prethodnu fiskalnu godinu.

**Član 4.**

Sredstva doznačena Gradskom budžetu za posebne namjene biće raspoređena i utrošena namjenski.

**Član 5.**

Nakon isteka privremenog finansiranja ostvareni prihodi i primici, te izvršeni rashodi i izdaci u tom razdoblju uključuju se u Budžet Grada Živinice za 2021.godinu.

**Član 6.**

Za sprovođenje ove Odluke odgovoran je Gradonačelnik.

**Član 7.**

Ova Odluka stupa na snagu danom donošenja, a objaviće se u „Službenom glasniku Grada Živinice“.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Grad Živinice**  
**-Gradsko vijeće-**  
**Broj : 06-04-84/2021**  
**Živinice, 06.01.2021.god.**

**PREDSJEDAVAJUĆI**  
**SJEDNICOM GRADSKOG VIJEĆA**

---

**Fehim Taletović,s.r.**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06 i 51/09) i člana 24. Statuta Grada Živinice („Službeni glasnik Grada Živinice“, br. 5/19), Gradsko vijeće Živinice na sjednici održanoj dana 06.01.2021.godine, donosi

### **ODLUKU**

o usvajanju Plana implementacije Strategije integrisanog razvoja i indikativnog finansijskog okvira za 2019.godinu

#### **Član 1.**

Usvaja se Plan implementacije Strategije integrisanog razvoja i indikativni finansijski okvir za 2019.godinu koji je sastavni dio ove Odluke.

#### **Član 2.**

Plan implementacije Strategije integrisanog razvoja i indikativni finansijski okvir za 2019.godinu sadrži 42. projekta čijom će se realizacijom ostvariti strateški i sektorski ciljevi predviđeni u Strategiji integrisanog razvoja Grada Živinice i čija je ukupna vrijednost 68.356.905,00 KM od čega je iz Budžeta Grada Živinice za 2019.godinu planirano finansiranje u iznosu 4.362.930,09 KM.

#### **Član 3.**

Stupanjem na snagu ove Odluke stavlja se van snage Odluka o usvajanju Plana implementacije Strategije integrisanog razvoja i indikativnom finansijskom okviru za 2019.godinu, broj: 06-04-4316/2020 od 28.07.2020.godine.

Ova Odluka stupa na snagu danom donošenja i biće objavljena u Službenom glasniku Grada Živinice.

Bosna i Hercegovina

Federacija BiH

Tuzlanski kanton

Grad Živinice

-Gradsko vijeće-

Broj: 06-04-85/2021

Živinice:06.01.2021.godine

**PREDSJEDAVAJUĆI  
SJEDNICOM GRADSKOG VIJEĆA**

**Fehim Taletović,s.r.**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06 i 51/09) i člana 24. Statuta Grada Živinice („Službeni glasnik Grada Živinice“, br. 5/19), Gradsko vijeće Živinice na sjednici održanoj dana 06.01.2021.godine, donosi

## **ODLUKU**

### **o usvajanju Plan implementacije Strategije integrisanog razvoja i indikativni finansijski okvir za 2020.godinu**

#### **Član 1.**

Usvaja se Plan implementacije Strategije integrisanog razvoja i indikativni finansijski okvir za 2020.godinu koji je sastavni dio ove Odluke.

#### **Član 2.**

Plan implementacije Strategije integrisanog razvoja i indikativni finansijski okvir za 2020.godinu sadrži 35. projekata čijom će se realizacijom ostvariti strateški i sektorski ciljevi predviđeni u Strategiji integrisanog razvoja Grada Živinice i čija je ukupna vrijednost 76.923.059 KM od čega je iz Budžeta Grada Živinice za 2020.godinu planirano finansiranje u iznosu 5.642.813KM.

#### **Član 3.**

Stupanjem na snagu ove Odluke stavlja se van snage Odluka o usvajanju Plana implementacije Strategije integrisanog razvoja i indikativnom finansijskom okviru za 2020.godinu, broj: 06-04-4316-1/2020 od 28.07.2020.godine

Ova Odluka stupa na snagu danom donošenja i biće objavljena u Službenom glasniku Grada Živinice.

Bosna i Hercegovina  
Federacija BiH  
Tuzlanski kanton  
Grad Živinice  
-Gradsko vijeće-  
**Broj: 06-04-86/2021**  
**Živinice:06.01.2021.godine**

**PREDSJEDAVAJUĆI**  
**SJEDNICOM GRADSKOG VIJEĆA**  
Fehim Taletović,s.r.

Bosna i Hercegovina  
Federacija Bosne i Hercegovine  
Tuzlanski kanton  
**GRAD ŽIVINICE**  
**Gradsko vijeće**  
Broj: 06-04-88/21  
Živinice, 06.01.2021. godine

Na osnovu člana 13. Zakona o principima lokalne samouprave FBiH ("Sl. novine FBiH" br. 49/06. i 51/09), člana 24. Statuta Grada Živinice ("Sl. glasnik Grada Živinice" br. 5/19), člana 12. Zakona o vodama Tuzlanskog kantona ("Službene novine Tuzlanskog kantona" br. 11/08.), člana 8. Zakona o komunalnim djelatnostima TK-a ("Službene novine Tuzlanskog kantona" br. 11/05. 7/07., 8/12 i 14/13.), člana 6. i 8. Odluke o vodosnabdijevanju i kanalizaciji na području općine Živinice br. 10-05-1361/2015. od 19.03.2015. godine ("Službeni glasnik Općine Živinice"), Odluke o povjeravanju obavljanja komunalnih djelatnosti Javnom preduzeću "Vodovod i kanalizacija" d.o.o. Živinice br. 01/3-05-4013/18. od 12.06.2018. godine (Službeni glasnik Općine Živinice" br 9/18.), Gradsko vijeće Živinice, na sjednici održanoj dana 06.01.2021. godine, donosi

## **ODLUKU**

### **o ustupanju na upravljanje i korištenje vodnih objekata**

#### **Član 1.**

Javnom preduzeću "Vodovod i kanalizacija" d.o.o. Živinice, iz Živinica ulica Strašanj b.b. (u daljem tekstu: JP "Vik" d.o.o. Živinice) daje se, bez naknade, na upravljanje i korištenje radi sticanja prihoda, vodni objekti; bunari BBS 1A, BBS 5 i BBS 2A, cjevovod od bunara do pumpne stanice, pumpna stanica Barice sa sabirnim bazenom, cjevovod od pumpne stanice do šahta Š3 u naselju Litve, električne uređaje i instalacije kao i sve druge objekte, opremu, uređaje i slično, koji su sastavni dio ovog vodovodnog sistema, uključujući i raspoloživu dokumentaciju.

#### **Član 2.**

JP "Vik" d.o.o. Živinice dužno je sa objektima iz člana 1. Odluke upravljati sa pažnjom dobrog privrednika te vršiti redovno tekuće i investiciono održavanje.

#### **Član 3.**

JP "Vik" d.o.o. Živinice dužno je osigurati;

- a) trajno i nesmetano pružanje komunalnih usluga korisnicima pod uslovima, na način i prema normativima koji su određeni zakonom i drugim propisima,
- b) ispravnost i funkcionalnost komunalnih objekata i uređaja,
- c) određeni kvalitete komunalnih usluga koji podrazumijeva naročito; zdravstvenu i higijensku ispravnost prema važećim propisima, standardima i normativima, zaštitu okoline i tačnost u pogledu rokova isporuke, sigurnost korisnika u dobijanju usluga,
- d) razvoj i unapređenje kvaliteta asortimana komunalnih usluga, kao i unapređenje organizacije rada, efikasnosti i drugih uslova,

- e) red prvenstva u snabdijevanju komunalnih usluga u slučaju više sile, u skladu sa propisom Grada,
- f) mjere zaštite i obazbjedenja komunalnih objekata, održavanje rađevinskih i drugih objekata, postrojenja i opreme koji služe za obavljanje komunalne djelatnosti,
- g) pribavljanje potrebnih odobrenja,
- h) u obavljanju povjerenih komunalnih djelatnosti, u dijelu koji nije uređen ovom Odlukom i Odlukom o povjeravanju obavljanja komunalnih djelatnosti Javnom preduzeću vodovod i kanalizacija d.o.o. Živinice, br. 01/3-05-4013/18. od 12.06.2018. godine ("Sl. glasnik Općine Živinice" br. 9/18), ovo javno preduzeće dužno je postupati i primjenjivati odredbe Zakona o komunalnim djelatostima TK-a ("Sl. novine TK-a" br. 11/05, 7/07, 8/12, i 14/13), Odluke o vodosnabdijevanju i kanalizaciji na području općine Živinice br. 10-05-1361/2015 od 19.03.2015. godine ("Sl. glasnik Općine Živinice" br. 6/15.) kao i druge propise koji uređuju ovu oblast.

#### Član 4.

Grad Živinice zadržava pravo vlasništva nad sistemom vodosnabdijevanja iz člana 1. Odluke.

#### Član 5.

Primopredaja objekata iz člana 1. Odluke i raspoložive dokumentacije u vezi istih izvršit će komisije koje će imenovati Gradonačelnik i direktor JP "ViK" d.o.o. Živinice, koje su dužne da sačine zapisnik o primopredaji.

#### Član 6.

Troškove nastale u postupku pribavljanja koncesionih dozvola snosit će Grad Živinice, a JP "ViK" d.o.o. Živinice kod nadležnih organa pokrenut će i voditi predmetni postupak i sva odobrenja glasit će na ime JP "ViK" d.o.o. Živinice.

#### Član 7.

Zadužuje se Gradonačelnik, da sa JP "ViK" d.o.o. Živinice zaključi ugovor kojim će se detaljno regulisati međusobna prava i obaveze.

#### Član 8.

JP "ViK" d.o.o. snosi troškove rada i održavanja objekata iz ove Odluke, a prihode nastale usljed rada ima smatrati kao vlastite.

#### Član 9.

Ova Odluka stupa na snagu danom donošenja, a objavit će se u Službenom glasniku općine Živinice.

### Obrazloženje

Pravni osnov i nadležnost Gradskog vijeća sadržan je u odredbama člana 13. Zakona o

principima lokalne samouprave FBiH ("Sl. novine FBiH" br. 49/06. i 51/09) i člana 24. Statuta Grada Živinice ("Sl. glasnik Grada Živinice" br. 5/19).

Odredbama člana 12. Zakona o vodama Tuzlanskog kantona i članom 6. Odluke o vosnabdijevanju i kanalizaciji na području općine Živinice, određeno je da vodne objekte u vlasništvu grada koji služe za vodonabdijevanje vodom za piće naselja izvan gradskih odnosno općinskih centara, grad ili općina svojom odlukom povjerava na upravljanje i korištenje pravnom licu u skladu sa zakonom o komunalnoj djelatnosti.

Zakonom o komunalnim djelatnostima TK-a u članu 8. određeno je da općine u skladu sa ovim zakonom obezbjeđuju obavljanje komunalnih djelatnosti putem javnog preduzeća komunalnih djelatnosti, pravnog ili fizičkog lica na osnovu ugovora o povjeravanju komunalnih poslova i pravnog lica na osnovu ugovora o koncesiji.

Uzimajući u obzir naprijed navedeno kao i činjenicu da je izgrađeni dio vodovodnog sistema, potrebno dati na upravljanje i korištenje JP" Vik" d.o.o. Živinice, kao pravnom subjektu osnovanom od strane Gradskog vijeća i ovlaštenom za obavljanje poslova komunalne djelatnosti, sa ciljem da se osigura vodnosnabdijevanje na području grada Živinice, Gradsko vijeće je odlučilo kao u dispozitivu.

**Predsjedavajući  
Sjednicom Gradskog vijeća Živinice**

**Fehim Taletović,s.r.**



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**GRAD ŽIVINICE**  
**Gradsko vijeće**  
Broj:06-04-89/2021  
Dana:06.01.2021.godine

Na osnovu člana 14. stav 4. Zakona o eksproprijaciji FBiH ("Sl.novine FBiH"br. 70/07,36/10 25/12 i 34/16) i člana 24. Statuta Grada Živinice ("Službeni glasnik Grada Živinice",br.5/19),Gradsko vijeće Živinice, postupajući po zahtjevu Ministarstva prostornog uređenja i zaštite okolice Tuzlanskog kantona za mišljenje u vezi izgradnje dionice Šićki brod-Đurđevik na trasi ceste Tuzla-Sarajevo,dionica 1 poddionica 2,od km 5+400,00 do km 11+250,00 (obilaznica Živinice), na prijedlog Gradonačelnika, na sjednici održanoj dana 06.01.2021 godine donosi s l j e d e ć e

## M I Š L J E N J E

**Gradsko vijeće Živinice saglasno je za dalje provođenje postupka utvrđivanja javnog interesa za izgradnju dionice Šićki brod-Đurđevik na trasi ceste Tuzla-Sarajevo,dionica 1, poddionica 2 ,od 5+400,00 do km 11+250,00 (obilaznica Živinice), na nekretninama Grada Živinice koje su pobliže navedene Elaboratom eksproprijacije-Glavnim projektom koji je urađen od strane konsultanta "Geobiro"d.o.o. Konjic od septembra 2020 i Rješenjem o urbanističkoj saglasnosti br. 12-04/1-23-036384/19 od 21.07.2020 god.**

## O b r a z l o ž e n j e

Služba za urbanističko planiranje,komunalne,geodetske i imovinsko pravne, putem Gradskog vijeća Živinice,dana 28.12.2020 god. zaprimila je akt Ministarstva prostornog uređenja i zaštite okolice Tuzlanskog kantona br.12-04/1-19-022387/20 od 21.10.2020 god. u kojem se navodi da je Vlada Tuzlanskog kantona prosljedila ovom Ministarstvu na rješavanje zahtjev investitora JP Ceste Federacije BiH za utvrđivanje javnog interesa za izgradnju ceste Šićki brod-Đurđevik, dionica1, poddionica 2, od km 5+400,00 do km 11+250,00(obilaznica Živinice) na području gradova Tuzla i Živinice.

Kako je JP Ceste Federacije BiH, implementator projekta i korisnik eksproprijacije, isto je podnijelo zahtjev Vladi Tuzlanskog kantona za donošenje Odluke o utvrđivanja javnog interesa za izgradnju dionice Šićki brod-Đurđevik na trasi ceste Tuzla-Sarajevo,poddionica 2(LOT 2), km 5+400 do km 11+250,00, L=5,85 km.

Obzirom da su eksproprijacijom obuhvaćene i nekretnine koje se nalaze na području Grada Živinice a koje su navedene u Glavnom projektu konsultanta "Geobiro"d.o.o. Konjic, razmatrajući priloženu dokumentaciju, a imajući u vidu da se radi o izvođenju radova koji su od javnog interesa čiji krajnji rezultat je poboljšanje putne komunikacije, Gradsko vijeće Živinice je dalo pozitivno mišljenje Vladi Tuzlanskog kantona za nastavak provođenja postupka utvrđivanja javnog interesa radi izgradnje dionice Šićki brod-Đurđevik na trasi ceste Tuzla-Sarajevo,poddionica 2(LOT 2), km 5+400 do km 11+250,00, L=5,85 km a sve u skladu sa odredbama člana 14 stav 3. Zakona o eksproprijaciji ("Sl.novine FBiH" br. 70/07, 36/10, 25/12 i 34/16) kojim je propisano da Odluku o utvrđivanju javnog interesa za izgradnju objekta ili

izvođenje radova na području dvije ili više opština donosi Vlada kantona po prethodno pribavljenom mišljenju općinskog vijeća na čijem se području namjerava graditi objekat ili izvoditi radovi.

Obzirom da izgradnja dionice Šiški brod-Đurđevik na trasi ceste Tuzla-Sarajevo, poddionica 2(LOT 2), km 5+400 do km 11+250,00, L=5,85 km obuhvata i izvođenje radova na nekretninama Grada Živinice, Gradsko vijeće je odlučilo kao u dispozitivu.

PREDSJEDAVAJUĆI  
Sjednicom Gradskog vijeća Živinice

Fehim Taletović,s.r.

Dostavljeno:

- 1.Ministarstvo prostornog uređenja i zaštite okolice TK
- 2.Gradskopravobranilaštvo Živinice
- 3.Oglasna ploča Grada Živinice.
- 4.Službeni glasnik Grada Živinice
- 5.a/a

Na osnovu člana 6. Zakona o komunalnim djelatnostima ("Službene novine TK", broj 11/05) i člana 49. Statuta Grada Živinice ("Službeni glasnik Grada Živinice ", broj 5/19), Gradsko vijeće na 11. Redovnoj sjednici održanoj 14.09.2020. godine donosi:

**ODLUKU**  
**o izmjeni i dopuni Odluke o komunalnom redu**

**Član 1.**

U članu 128. stav 5. Odluke o komunalnom redu ("Službeni glasnik Grada Živinice ", broj 3/2019 , gdje stoji :

**"Pravna lica koja su ovlaštena za prikupljanje i odvoz komunalnog otpada na svom reonu su dužna odbačeno smeće duž javnih puteva pokupiti u namjensko vozilo kako bi se spriječilo raznošenje smeća i nastajanje deponija " dodaju riječi "uz naknadu ."**

**Član 2.**

U članu 130. stav 3. Odluke o komunalnom redu ("Službeni glasnik Grada Živinice", broj 3/2019 " gdje stoji:

**"Cijena odvoza šljake i pepela se računa" dodaju nove riječi koje glase "sa potpisanim ugovorom operatera i sa cijenom potpisanom u ugovoru" a ostale riječi se brišu.**

**Član 3.**

U članu 156. Odluke o komunalnom redu ("Službeni glasnik Grada Živinice ", broj 3/2019 "dodaje se novi stav 6. koji glasi:

**"Zabranjeno je na manjoj udaljenosti od pet metara od javnih puteva i deset metara od stambenih i poslovnih objekata deponovati hranu za domaće životinje ( silaža,sijena i ostala bio masa) i kompost.**

**Član4.**

U članu 167. Odluke o komunalnom redu ("Službeni glasnik Grada Živinice", broj 3/2019 "dodaje se novi stav 2. koji glasi:

**"Gradska inspekcija će po potrebi postavljati nadzorne kamere za snimanje javnih površina na teritoriji grada Živinice s ciljem prikupljanja informacija a snimci će se koristiti kao dokaz o učinjenim radnjama u inspekcijskim postupcima".**

**Član 3.**

Ostale odredbe se ne mjenjaju.

**Član 4.**

Odluka stupa na snagu danom objavljivanja u "Službenom glasniku Grada Živinice".

**OBRAZLOŽENJE:**

U Odluci o komunalnom redu ("Službeni glasnik Grada Živinice", broj: 3/19), u poglavlju IV i V "Sakupljanje i odvoz i postupanje sa komunalnim otpadom" i " Sanitarно-Komunalno uređenje naselja" regulisano je da operateri za prikupljanje odloženog smeća sa javne površine dobijaju naknadu a da odvoz pepela reguliše se potpisanim ugovorom sa operaterom i sa cijenom potpisanom u ugovoru i članu 156. regulisano držanje domaćih životinja dodaje se novi stav 6. kojim se reguliše udaljenost hrane za domaće životinje (silaža ) koja ima izrazito neprijatan i nadražujući miris a često se postavlja preblizu stambenih objekata i javnih puteva, ( sijeno i ostala bio masa ) se taode postavljaju preblizu stambenih i poslovnih objekata koja

predstavljaju stanište za razne glodare i sitne životinje kao i opasnost od izbijanja požara i ugrožavanja imovine.

U Članu 167. stav 1. određena je obaveza pravnih i fizičkih lica prema nadležnoj inspekciji u toku pregleda i uzimanja podataka. Dodavanjem novog stava ,kao preventivno djelovanje, znatno bi se unaprijedilo očuvanje životne sredine, smanjilo troškove Grada na uklanjanju divljih deponija , spriječilo nastajanje divljih deponija duž javnih puteva i na javnim površinama na teritoriji grada Živinice .

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**GRAD ŽIVINICE**  
**GRADSKO VIJEĆE**  
Broj:06/04-4984/2020  
Dana: 14.09.2020.godine

**PREDSJEDAVAJUĆI**  
**GRADSKOG VIJEĆA**

---

**Nail Jusić**

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD ŽIVINICE  
- Gradonačelnik-  
Broj: 01/2-04-89-3007/20  
Dana, 16.12.2020.godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 38. Statuta Grada Živinice („Službeni glasnik Grada Živinice“, broj: 5/19), člana 49. Odluke o izvršenju Budžeta Grada Živinice za 2020. godinu ("Službeni glasnik Grada Živinice", broj:15/20) i Prijedloga Službe za opću upravu, društvene djelatnosti, boračko-invalidsku zaštitu i raseljene osobe Grada Živinice broj: 02-11-6464/20 od 14.12.2020.godine, Gradonačelnik donosi

**O D L U K U**  
o preraspodjeli budžetskih sredstava

**I**

Odobrava se unutrašnja preraspodjela Budžetskih sredstava u okviru Budžetskog korisnika Službe za opću upravu, društvene djelatnosti, boračko invalidsku zaštitu i raseljene osobe, sa planirane Budžetske pozicije:

-sa Budžetske pozicije: "Grantovi javnim preduzećima i ustanovama čiji je osnivač općina JU BKC Živinice-Bruto plaće zaposlenih", Ekonomski kod 614 311 iznos od **15.000,00 KM** prerasporediti na Budžetsku poziciju: "Festival umjetn.za djecu-Četvrtkom u pozorište, podrška kulturi, restauracija stolica", Ekonomski kod 614 311,

-sa Budžetske pozicije: " Izdaci za gorivo i mazivo ", Ekonomski kod 613 511, iznos od **6.000,00 KM** prerasporediti na Budžetsku poziciju: "UG Scena", Ekonomski kod 614 311,

-sa Budžetske pozicije: "Mjere preventivne higijensko-epidemiološke zaštite DDD ", Ekonomski kod 613 915, iznos od **4.000,00 KM** prerasporediti na Budžetsku poziciju: "Troškovi grijanja prostorija u organu uprave i CZ ", Ekonomski kod 613 214,

-sa Budžetske pozicije: " Adaptacija prostorija u zgradama grada", Ekonomski kod 613 711, iznos od **3.500,00 KM** prerasporediti na Budžetsku poziciju: "Objavljivanje javnih oglasa, poziva, obavještenja, natječaja i drugo", Ekonomski kod 613 916,

-sa Budžetske pozicije: " Podrška projektu "Siguran grad", Ekonomski kod 613 711, iznos od **1.000,00 KM** prerasporediti na Budžetsku poziciju: "Grantovi za projekte i rad udruženja BIZ-e-Organizacija RVI", Ekonomski kod 614 311,

-sa Budžetske pozicije: " Podrška projektu "Siguran grad", Ekonomski kod 613 711, iznos od **1.000,00 KM** prerasporediti na Budžetsku poziciju: "Grantovi za projekte i rad udruženja BIZ-e-Organizacija DB", Ekonomski kod 614 311,

-sa Budžetske pozicije: " Zatvaranje kolektivnih centara na području Grada Živinice učešće Grada", Ekonomski kod 613 991, iznos od **38.000,00 KM** prerasporediti na Budžetsku poziciju: "Sufinansiranje projekata sa viših nivoa", Ekonomski kod 821 600,

Poslije budžetske preraspodjele stanje na gore naznačenim pozicijama budžeta biće sledeće :

-Budžetska pozicija: "Grantovi javnim preduzećima i ustanovama čiji je osnivač općina JU BKC Živinice-Bruto plaće zaposlenih", Ekonomski kod 614 311, umjesto planirane stavke od **206.265,00 KM**, biće **191.265,00 KM**, odnosno ukupan iznos **262.765,00 KM** se ne mijenja.

-Budžetska pozicija: " Izdaci za gorivo i mazivo ", Ekonomski kod 613 511, umjesto planirane pozicije od **23.500,00 KM**, biće **17,500,00 KM**,

-Budžetska pozicija: " Mjere preventivne higijensko-epidemiološke zaštite DDD ", Ekonomski kod 613 915, umjesto planirane pozicije od **10.000,00 KM**, biće **6.000,00 KM**,

-Budžetska pozicija: " Adaptacija prostorija u zgradama grada", Ekonomski kod 613 711, umjesto planirane stavke od **10.000,00 KM**, biće **6.500,00 KM**,

-Budžetska pozicija: " Podrška projektu "Siguran grad ", Ekonomski kod 613 711, umjesto planirane pozicije od **15.000,00 KM**, biće **13.000,00 KM**,

-Budžetska pozicij: " Zatvaranje kolektivnih centara na području Grada Živinice učešće Grada", Ekonomski kod 613 991, umjesto planirane pozicije od **180.000,00 KM**, biće **142.000,00 KM**,

-Budžetska pozicija: " Festival umjetn.za djecu-Četvrtkom u pozorište, podrška kulturi, restauracija stolica ", Ekonomski kod 614 311, umjesto planirane pozicije od **29.000,00 KM**, biće **44.000,00 KM**,

-Budžetska pozicija: "UG Scena", Ekonomski kod 614 311, umjesto planirane pozicije od **45.000,00 KM**, biće **51.000,00 KM**,

-Budžetska pozicija: "Troškovi grijanja prostorija u organu uprave i CZ", Ekonomski kod 613 214, umjesto planirane pozicije od **14.000,00 KM**, biće **18.000,00 KM**,

-Budžetska pozicija: "Objavljivanje javnih oglasa, poziva, obavještenja, natječaja i drugo", Ekonomski kod 613 916, umjesto planirane pozicije od **13.000,00 KM**, biće **16.500,00 KM**,

-Budžetska pozicija: "Grantovi za projekte i rad udruženja BIZ-e-Organizacija RVI", Ekonomski kod 614 311, umjesto planirane pozicije od **15.000,00 KM**, biće **16.000,00 KM**,

-Budžetska pozicija: "Grantovi za projekte i rad udruženja BIZ-e-Organizacija DB", Ekonomski kod 614 311, umjesto planirane pozicije od **15.000,00 KM**, biće **16.000,00 KM**,

-Budžetska pozicija: "Sufinansiranje projekata sa viših nivoa", Ekonomski kod 821 600, umjesto planirane pozicije od **33.000,00 KM**, biće **71.000,00 KM**.

### III

Za realizaciju odluke zadužuje se Služba za lokalni ekonomski razvoj, finansije i trezor Grada Živinice.

### IV

Odluka stupa na snagu danom donošenja i ista će biti objavljena u "Službenom glasniku Grada Živinice".

Dostavljeno:

1. Služba za opću upravu, društvene djelatnosti, boračko-invalidsku zaštitu i raseljene osobe
2. Služba za lokalni ekonomski razvoj, finansije i trezor,
3. Stručna služba Gradskog vijeća
4. a/a.

GRADONAČELNIK

dr.sc. Samir Kamenjaković

Bosna i Hercegovina  
Federacija Bosne i Hercegovine  
Tuzlanski kanton  
Grad Živinice  
MJESNA ZAJEDNICA ŽIVINICE CENTAR  
Broj: 03-01/21  
Dana, 05.01.2021. godine

U skladu sa odredbama Statuta Grada Živinice, broj:06-05-5221/19 od 30.09.2019. godine, Savjet MZ Živinice Centar (u daljem tekstu SMZ), na sjednici održanoj putem viber grupe, dana 04.01.2021. godine, donosi

## S T A T U T MZ Živinice Centar

### OSNOVNE ODREDBE

#### Član 1.

Ovima Statutom uređuje se:

Postupak osnivanja MZ, nadležnosti, odlučivanje u MZ, organi MZ, način izbora organa MZ, opoziv članova organa MZ, način finansiranja djelatnosti MZ, postupak provođenja referenduma na području MZ ili njenim dijelovima, službeni odnosi prema gradu i gradskoj upravi, saradnja MZ sa drugim MZ i ostalim pravnim subjektima i druga pitanja od značaja za rad MZ.

#### Član 2.

Područje MZ Živinice Centar obuhvata slijedeća naselja: Jezero, Sjever I, Sjever II, Strašanj, Maline, Novi Grad i Grad.

#### Član 3.

Mjesna zajednica Živinice Centar (u daljem tekstu MZ) ima svojstvo pravnog lica.

#### Član 4.

Službeni naziv MZ je Mjesna zajednica Živinice Centar.

#### Član 5.

Sjedište MZ je u prostorijama MZ, na adresi ul. 25 Novembra, Blok II, bb.

Predsjednik SMZ ima slijedeće nadležnosti:

- predstavlja i zastupa MZ i SMZ,;
- saziva sjednice Savjeta, predlaže dnevni red, predsjedava sjednicama i potpisuje akte Savjeta,
- osigurava transparentan rad Savjeta i poštivanje propisanih procedura, bez diskriminacije bilo kog od članova Savjeta, po bilo kom osnovu,
- provodi i osigurava provođenje odluka Savjeta i podnosi izvještaje o provođenju odluka Savjeta,
- saraduje sa organima i službama grada, te privrednim i drugim subjektima na području MZ, drugim i susjednim MZ,
- sudjeluje u provođenju mjera CZ u skladu sa aktivnostima organa i službi grada,



- informiše javnost o o važnim pitanjima i dešavanjima na prostoru MZ,
- predlaže finansijski plan i naredbodavac je za izvršenje finansijskog plana,
- na osnovu deponovanih potpisa, zajedno sa Zamjenikom predsjednika, raspolaže sa sredstvima koja se nalaze na računu MZ, što uključuje i gotovinsko podizanje movca sa računa MZ, a po odluci (odobrenju) SMZ,
- predlaže planove i druge dokumente čije je donošenje u nadležnosti Savjeta,
- u slučaju potrebe, inicira donošenje odluka o formiranju posebnih tijela Savjeta, za izvršavanje određenih zadataka,
- u slučaju njegovog odsustva, obaveze iz njegove nadležnosti preuzima Zamjenik predsjednika Savjeta,
- za svoj rad može imati naknadu čiju visinu utvrđuje OV svojom odlukom,
- obavlja i druge poslove koji su važni za funkcionalan rad Savjeta i život i rad na području MZ (npr. poslove sekretara, po odluci SMZ).

Predsjednik Savjeta za svoj rad odgovara građanima, Savjetu MZ, GV i Gradonačelniku.

#### Član 6.

MZ ima svoj pečat, koji je okruglog oblika, prečnika 3-5 cm, u kojem je u obliku kruga, latiničnim pismom, upisan tekst: Bosna i Hercegovina, Federacija Bosne i Hercegovine, Tuzlanski kanton, Grad Živinice, Mjesna zajednica, u sredini MZ Živinice Centar (napomena: izmjene izgleda pečata- upisa, će biti pokrenute odmah od strane Savjeta MZ). Postojeći pečat će se koristiti do izrade novog pečata.

#### Član 7.

MZ predstavlja i zastupa Predsjednik SMZ, a u njegovom odsustvu njegov zamjenik.

### OSNIVANJE MJESNE ZAJEDNICE

#### Član 8.

Osnivanje nove MZ, dijeljenjem postojeće, pripajanjem pojedinih područja druge MZ ovoj MZ ili izdvajanjem područja ove MZ drugoj MZ, vrši se u skladu sa odredbama Statuta Grada Živinice.

### NADLEŽNOSTI, PRAVA I DUŽNOSTI

#### Član 9.

U MZ građani odlučuju o ostvarivanju svojih zajedničkih interesa i potreba i o solidarnom zadovoljavanju zajedničkih potreba, u oblastima uređenja naselja, odgoja, obrazovanja i vaspitanja, kulture i fizičke kulture, tehničke kulture, kao i o drugim pitanjima iz oblasti života i rada u MZ.

### ODLUČIVANJE U MZ

#### Član 10.

Građani u MZ odlučuju ličnim izjašnjavanjem na zboru građana.

## ZBOR GRAĐANA

## Član 11.

Zbor građana MZ odlučuje o svim pitanjima koja su u nadležnosti MZ, a nisu ovim statutom data u nadležnost SMZ.

Zbor građana saziva predsjednik SMZ, a može ga sazvati i gradonačelnik, GV, kada to ocijene važnim.

Odlukom o zakazivanju zбора utvrđuje se vrijeme održavanja zбора, dnevni red, lice koje će rukovoditi zborom i zapisničari.

Mjesni zbor građana saziva se za dio područja MZ, koji čini zasebnu cjelinu (dio naselja, stambeni blok, više naseljenih mjesta) ili cijelo područje MZ.

Građani na zboru biraju dva ovjerivača zapisnika ili ih određuje predsjednik SMZ, svojom odlukom.

Zbor građana punovažno odlučuje, ako istom prisustvuje 10% građana od ukupnog broja birača upisanih u birački spisak za to područje ili najmanje 200 građana tog zбора, ako je jedna desetina građana mjesnog zбора veća od tog broja, a odluke i zaključci zбора građana su punovažni ako je za tu odluku ili zaključak glasalo preko 50 % prisutnih građana na tom zboru.

## Član 12.

Odluka donesena na zboru građana obavezujuća je za SMZ, ali ne i za GN i GV.

Mišljenja, prijedloge i zahtjeve koji im budu izneseni na zboru građana, GV i GN su dužni razmotriti i o svojim stavovima i odlukama po tim pitanjima, upoznati SMZ i građane. SMZ će o navedenom izvijestiti građane MZ ili njenog dijela, na koji se ta pitanja odnose.

## REFERENDUM

## Član 13.

Referendum za područje MZ raspisuje SMZ, a građani u MZ referendumom odlučuju o:

- formiranju nove MZ i promjeni sadašnjeg područja MZ,
- provođenju različitih akcija koje imaju za cilj unapređenje života i rada u MZ,
- drugim pitanjima koja su definisana određenim propisima, da se odluke o njima donose referendumom

## Član 14.

Odluku o referendumu donosi SMZ, nakon rasprave na zboru građana, ukoliko je za prijedlog po kome su se građani izjašnjavali (referendumsko pitanje) glasalo više od 50 % birača upisanih u birački spisak.

Odluka donesena na referendumu je obavezujuća.

Prijedlog koji na referendumu nije prihvaćen ili prošao (referendumsko pitanje), ne može se ponovo iznijeti na referendum prije isteka roka od godinu dana od dana održavanja referenduma.

## Član 15.

Građani u MZ odlučuju i posredno putem predstavnika u organima MZ.

## Član 16.

Građani u MZ, na zboru građana učestvuju, razmatraju i odlučuju o:

- donošenju statuta i drugih općih akata MZ,
- razmatranju materijala upućenih od strane GV, GN i gradske uprave, pravnih subjekata

- koji djeluju na području MZ ili van nje ako se to tiče MZ,
- obrazovanju organa MZ,
  - odnosima sa drugim MZ, organizacijama i udruženjima,
  - rješavanju i drugih pitanja koja se tiču života i rada na području MZ, a u skladu sa važećim propisima.

#### Član 17.

Građani u MZ se posebno angažuju na pitanjima društvenog standarda i to:

- organizovanju i učešću u ekološkim, zdravstveno preventivnim i higijenskim akcijama,
- razvijanju socijalnih, odgojnih i obrazovnih djelatnosti,
- izgradnji i održavanju različitih objekata za zajedničke potrebe građana (infrastrukturni objekti i slično),
- razvijanju humanih odnosa i tolerancije u društvu.

Građani se, neposredno ili preko organa MZ, posebno angažuju na sljedećim zadacima i poslovima:

- organizacija i osposobljavanje za zaštitu i spašavanje,
- planiranje i provođenje mjera ZiS,
- zaštita i pružanje međusobne pomoći u slučaju od elementarnih nepogoda,
- organizacija, podrška, pružanje pomoći i održavanje reda u svim vanrednim prilikama,
- pomoć u obavještanju i uzbunjivanju,
- učešće u akcijama ZiS,

Savjet MZ posebnim aktom bliže uređuje način organizovanja i ostvarivanja zaštite i spašavanja od elementarnih i drugih nepogoda, na području MZ, kao i pružanje pomoći susjednim MZ i institucijama.

#### ORGANI MJESNE ZAJEDNICE

#### Član 18.

Organi u MZ su:

- Savjet MZ (SMZ) i
- Predsjednik SMZ.

#### Član 19.

Savjet MZ broji 11 (jedanaest) članova.

#### IZBOR

Članove SMZ biraju građani MZ neposrednim tajnim glasanjem ili ih imenuje GV svojim odlukama. Pravo glasa imaju svi građani MZ, koji su upisani u birački spisak. Predlaganje i utvrđivanje kandidacione liste (KL) za izbor članova SMZ, građani vrše na Kandidacionom zboru (KZ).

KL se utvrđuje na sljedeći način:

- Predlaganje kandidata za članove SMZ mogu podnijeti: građani (pojedinačno ili grupno), organi političkih stranaka, druge organizacije i udruženja koja djeluju na području MZ,
- Građani na zboru predlažu kandidate o čemu se vodi zapisnik, a smatra se da je prijedlog usvojen i da se predloženi kandidat može staviti na KL, ukoliko je za njega glasalo najmanje jedna trećina prisutnih na zboru,
- KL se sastavlja po redoslijedu predloženih kandidata,
- Na KL se stavlja svi kandidati koji su dobili potrebnu većinu glasova,
- Prilikom kandidovanja članova za SMZ vodiće se račun o nacionalnoj i spolnoj strukturi stanovništva,
- Kandidacionom i Izbornom zboru mora prisustvovati najmanje 10 % birača upisanih u birački spisak,

- Svako mjesno područje (ili više mjesnih naselja) u SMZ mora biti zastupljeno sa najmanje jednim članom,
- Rezultate izbora za članove SMZ potvrđuje GV.

#### Član 20.

Nakon završenog tajnog glasanja za SMZ su izabrani oni predloženi kandidati koji su dobili najveći broj glasova, a ukoliko je više kandidata dobilo isti broj glasova, prednost imaju oni kandidati čiji je manji broj na KL.

#### Član 21.

Na prvoj sjednici SMZ, članovi SMZ biraju predsjednika i zamjenika predsjednika, i to aklamacijom, a mogu i tajno.

#### Član 22.

Mandat članova SMZ je 4 (četiri) godine.

#### Član 23.

Mandat članova SMZ može prestati:

- Istekom mandata na koji je biran,
- Smrću,
- Preseljenjem na područje druge MZ,
- Upućivanjem na izdržavanje kazne zatvora duže od 3 (tri) mjeseca,
- Ako je pravosnažnom sudskom presudom lišen poslovne sposobnosti,
- Ostavkom, smjenjivanjem,
- Neopravdanim izostajanjem sa sastanaka SMZ, tri puta uzastopno, uz uslov da je uredno pozivan,
- Ostalo (zdravstveni ili drugi razlozi privatne prirode).

#### Član 24.

Ako članu SMZ, mandat prestane prije vremena za koje je biran, GV će svojom odlukom dodijeliti mandat slijedećem kandidatu, koji je dobio najveći broj glasova nakon provedenih izbora za SMZ.

#### Član 25.

Inicijativu ili prijedlog za provođenje postupka opoziva članova SMZ mogu pokrenuti:

- GV i gradonačelnik,
- Zbor građana i SMZ.

SMZ razmatra inicijativu ili prijedlog, ukoliko on nije predlagač za pokretanje opoziva.  
SAVJET MJESNE ZAJEDNICE

#### Član 26.

Savjet MZ:

- Donosi Statut MZ i njegove izmjene,
- Donosi Poslovnik o radu SMZ i njegove izmjene,
- Donosi FN plan i završni račun,
- Odlučuje o raspolaganju imovinom MZ,
- Donosi Plan malih komunalnih akcija i utvrđuje prioritet u njihovoj realizaciji,
- Bira predsjednika i njegovog zamjenika,
- Saziva mjesne zborove građana,
- Donosi program rada i izvještaj o radu,

- Saraduje sa drugim, a posebno sa susjednim MZ,
- Obrazuje svoja radna tijela,
- Donosi odluku o utvrđivanju prijedloga o raspisivanju referenduma,
- Razmatra izvještaj o radu raznih tijela u MZ,
- Donosi Plan zaštite od elementarnih nepogoda,
- Donosi programe razvoja, zaštite i unapređenja životne sredine,
- Donosi odluke o udruživanju sredstava MZ sa sredstvima drugih MZ, preduzeća, institucija, organizacija i drugih subjekata,
- Donosi odluke o sklapanju sporazuma koje su zakonom ili statutom grada dati u djelokrug MZ,
- Donosi odluke o raspolaganju sa objektima i dobrima u posjedu MZ i daje mišljenje o korištenju istih, po potrebi,
- Odlučuje i o drugim pitanjima koja se odnose na rad i život u MZ, a od zajedničkog su interesa za sve građane.

#### Član 27.

SMZ obavlja i druge poslove koje mu prenese GV, a koji su od značaja za MZ. Članovi SMZ mogu imati naknadu za svoj rad, a odluke o tome donosi GV. SMZ za svoj rad odgovara Zboru građana, GV i obavezno im podnosi izvještaj o svom radu, najkasnije do kraja marta naredne godine.

#### PREDSJEDNIK SMZ (MZ)

#### Član 28.

SMZ iz svog sastava bira većinom glasova svih članova predsjednika i zamjenika predsjednika SMZ. Predsjednik SMZ:

- predstavlja i zastupa MZ i Savjet,
- saziva sjednice Savjeta, predlaže dnevni red, predsjedava sjednicama i potpisuje akte Savjeta,
- osigurava transparentan rad Savjeta i poštivanje propisanih procedura, bez diskriminacije bilo kog od članova Savjeta, po bilo kom osnovu,
- provodi i osigurava provođenje odluka Savjeta i podnosi izvještaje o provođenju odluka Savjeta,
- saraduje sa organima i službama grada, te privrednim i drugim subjektima na području MZ, drugim i susjednim MZ,
- sudjeluje u provođenju mjera CZ u skladu sa aktivnostima organa i službi grada,
- informiše javnost o važnim pitanjima i dešavanjima na prostoru MZ,
- predlaže finansijski plan i naredbodavac je za izvršenje finansijskog plana,
- na osnovu deponovanih potpisa, zajedno sa Zamjenikom predsjednika, raspolaze sa sredstvima koja se nalaze na računu MZ,
- predlaže planove i druge dokumente čije je donošenje u nadležnosti Savjeta,
- u slučaju potrebe, inicira donošenje odluka o formiranju posebnih tijela Savjeta, za izvršavanje određenih zadataka,
- u slučaju njegovog odsustva, obaveze iz njegove nadležnosti preuzima Zamjenik predsjednika Savjeta,
- za svoj rad može imati naknadu čiju visinu utvrđuje OV svojom odlukom,
- obavlja i druge poslove koji su važni za funkcionalan rad Savjeta i život i rad na području MZ.

Predsjednik Savjeta za svoj rad odgovara građanima, Savjetu MZ, GV i GN, saraduje sa GN,

PGV, GV, drugim organima i službama grada.

#### Član 29.

Nadzor nad radom organa MZ, vrši nadležna služba grada.

**PRIHODI MZ**

#### Član 30.

Sredstva za rad SMZ, osiguravaju se u budžetu grada. Nadalje, SMZ može osigurati i dodatna sredstva na slijedeće načine:

- Samodoprinosom,
- Od usluga koje radi za potrebe građana, institucija, organizacija, udruženja i drugo, što se definiše posebnim odlukama SMZ,
- Od imovine i imovinskih prava,
- Od pomoći, poklona ili donacija pravnih i fizičkih lica (uz urednu prijavu i evidentiranje istih),
- Od sredstava koja grad ustupa MZ, za potrebe lokalnog razvoja,
- Od iznajmljivanja prostora ili prostorija koje su u vlasništvu MZ ili su na teritoriji MZ,
- Na druge načine.

U svim načinima osiguravanja sredstava, kroz grantove grada ili na druge načine, obaveza SMZ je transparentno postupanje sa istim.

Sredstva sa kojim raspolaže SMZ može udruživati sa susjednim MZ ili organizacijama i institucijama, a u okviru realizacije projekata od zajedničkog interesa.

Odluku o ovome će donijeti SMZ.

#### Član 31.

SMZ može za potrebe realizacije određenih obaveza i zadataka formirati različita radna tijela, kao što su komisije, odbori, timovi, vijeća i drugo.

**MIROVNO VIJEĆE (MV)**

#### Član 32.

Za područje MZ, po potrebi SMZ će formirati svojom odlukom, a njegovo sjedište je u prostorijama MZ, gdje i zasijeda.

Ono se sastoji od predsjednika, dva člana i njihovih zamjenika. Predsjednika i članove MV bira SMZ. Za predsjednika i članove MV, ne može biti biran član SMZ.

Mandat članova MV, traje četiri godine ili za period za koji je formirano (radi rješavanja konkretnog slučaja), a može prestati na isti način kao i predsjedniku i članovima SMZ ili po okončanju slučaja za koji je formirano. SMZ pruža potrebnu pomoć u radu MV. Administrativne poslove za potrebe MV će raditi SMZ.

Članovi MV će raditi bez naknade, a o rezultatima svog rada će izvještavati SMZ.

**JAVNOST RADA I INFORMISANJE JAVNOSTI**

#### Član 33.

Rad SMZ i ostale aktivnosti u MZ je javan i dostupan svim građanima MZ i sredstvima javnog informisanja.

U određenim slučajevima, SMZ ili drugi organi SMZ mogu držati sjednice ili provoditi neke druge aktivnosti bez prisustva javnosti.

O ovakvim aktivnostima odluku donosi SMZ.

#### Član 34.

Građani MZ tj. javnost na odgovarajući način treba da budu upoznati sa svim aktivnostima SMZ ili drugih organa ili institucija na nivou MZ ili na teritoriji MZ, uz uvažavanje odredbi

prethodnog člana. Radi prisustva i učešća na zborovima i drugim aktivnostima na nivou MZ ili šire, građani će biti upoznati i pozivani preko sredstava javnog informisanja. SMZ će najmanje jednom godišnje, obavještavati građane MZ o svom radu .

#### OBAVLJANJE STRUČNIH I ADMINISTRATIVNO TEHNIČKIH POSLOVA

##### Član 35.

Za izvršavanje ovih poslova zadužen je Sekretar MZ, koga imenuje SMZ na period od četiri godine. U skladu sa odlukama SMZ, poslove sekretara može obavljati i predsjednik SMZ ili neko drugi od članova SMZ. Za obavljanje poslova sekretara, licu pripada naknada, a visinu naknade određuje nadležna služba gradske uprave. Poslove i obaveze sekretara propisuje SMZ.

#### SARADNJA MZ SA DRUGIM MZ i PRAVNIM SUBJEKTIMA

##### Član 36.

U izvršavanju svojih funkcija MZ i SMZ ostvaruju saradnju sa susjednim i ostalim MZ i pravnim subjektima i institucijama. Ta saradnja se ogleda u zajedničkim akcijama koje se tiču zajedničkih ciljeva i interesa građana i lokalne zajednice.

U tom cilju SMZ će predlagati mjere i aktivnosti koje će poboljšavati saradnju i dostizanje zajedničkih ciljeva i interesa, kao i normativno uređenje saradnje i zajedničkih aktivnosti.

#### PRELAZNE I ZAVRŠNE ODREDBE

##### Član 37.

Izmjene i dopune ovog statuta će se vršiti tokom njegove primjene. SMZ će tražiti objavljivanje ovog statuta u Službenom glasniku grada Živinice, a do objavljivanja isti će se primjenjivati u radu SMZ.

Predsjednik Savjeta MZ  
Živinice Centar  
Esad Halilović

**„Službeni glasnik Grada Živinice“  
broj: 1/2021**

**SADRŽAJ**

**I - AKTI GRADSKOG VIJEĆA**

1. Odluka o privremenom finansiranju Grada Živinice za period 01.01.2021. godine do 31.03.2021. godine.....	2
2. Odluka o usvajanju Plana implementacije Strategije integrisanog razvoja i indikativnog finansijskog okvira za 2019. godinu.....	4
3. Odluka o usvajanju Plan implementacije Strategije integrisanog razvoja i indikativni finansijski okvir za 2020. godinu.....	5
4. Odluka o ustupanju na upravljanje i korištenje vodnih objekata.....	6
5. Mišljenje u postupku utvrđivanja javnog interesa za izgradnju dionice Šićki brod - Đurđevik na trasi ceste Tuzla - Sarajevo.....	9
6. Odluka o izmjeni i dopuni Odluke o komunalnom redu.....	11

**II - AKTI GRADONAČELNIKA**

1. Odluka o preraspodjeli budžetskih sredstava.....	13
---	----

**III - AKTI MJESNIH ZAJEDNICA**

1. Statut MZ Centar Živinice.....	16
-----------------------------------	----

**„Službeni glasnik Grada Živinice“ uređuje: Stručna služba Gradskog vijeća Živinice  
Odgovorni urednik i lektori: Suad Avdagić, Nermina Mahmutbegović i Mersiha Zahirović  
Tehnička priprema i štampa: Služba za opću upravu i društvene djelatnosti  
Kontakt informacije: 035/743-392, ovijece@gradzivinice.ba**